

ՊԱՐԲԵՐԱԿԱՆ ՀՐԱՏԱՐԱԿՈՒԹԻՒՆՆԵՐ

«ԵՐԿԻՐ ԺԱՅՆ»—Ջնայած ազատ խօսքի ամեն տեսակ ահաբեկումներին հայ հասարակութեան մէջ զարթնած գիտակցութիւնը շարունակում է քննադատել զործելու այն եղանակը, որ կատարել էին տասնեակ տարիներէ ընթացքում Հնչակեան—Դաշնակցական ազգային յեղափոխական կազմակերպութիւնները։ «Մուրճը» վաղուց ի վեր որոշ դիրք է բռնել այդ կուսակցութիւնների տակադիկ վերաբերեալ։ Անկախի և Արտաքին Տեսութեան մէջ յօդուածները շատ պարզ կերպով ընդդռնում են մեր հայեացքները թիւրքանայական դատի նկատմամբ։ Առանձին աղմուկ հանեց «Մուրճի» յուլիսեան համարի (№ 7) արտաքին տեսութիւնը, որին յօդուածներ նուիրեցին տեղական մի քանի ռուս թերթեր, Արտասահմանում «Courier Européen» և Ամեն Ռեզաբէի «Meecheveret» օրգանը։

«Նոր ճանապարհ» լոգունգին է հետևել ուղում նաև Թիֆլիսում նոր լոյս տեսնող «Երկրի Ժայնը» շաբաթաթերթը պ. Տ. Զաւէնի ղեկավարութեամբ, որ նպատակ է դնում «միութեան կամուրջ նետել հայ և թուրք տառապող ու հարստահարուող մասսաների միջև, մղելու համար գիւցաղական պայքարը բռնակալութիւնների ամենաճիւղաղային դէմ»—ընդհանուր յեղափոխութեան դիմելով բոլոր ցեղերի և ժողովրդների միահամուռ գործով։

Շաբաթաթերթի բոլոր յօդուածները պատում են Թիւրքիայի շուրջ ծանկալի է որ նոր օրգանը միջոցներ ունենար ինչպէս հարկն է իրազեկ պահելու իր ընթերցողներին թիւրքական իրականութեան և նրա բոլոր ժողովրդների քաղաքական կեանքի շարժումների հետ։ Զպէտք է բաւականաճալ լոկ թուրքերի քա-

ղաքական երևոյթների արձագանքներով։ այլ ձգտելու է կապեր հաստատել և միւս ցեղերի կեանքի հոսանքները արտայայտող օրգանների հետ։ Եթէ լաւ տանուի այս նոր օրգանը կարող է նպաստել Թիւրքիայի քաղաքական վերածնութեամբ հետաքրքրուող անձանց։ Յանկանում ենք աջողութիւն։

«Նոր կիսակ»—գրական, հասարակական և քաղաքական շաբաթաթերթի։—Նոր Նախիջևանում պ. Դր. Անտփեանի խմբագրութեամբ յուլիսի 2ից հրատարակում է մեր բազմաթիւ շաբաթաթերթերից և այդ մէկը։

«Լայնածաւալ Ռուսաստանում» ցիր ու ցան ընկած են մանր և անշատ հայ գաղութներ, որոնք խորթացած են Մայր հայրենիքից և ազգային ինքնագիտութիւնից։ Շաբաթաթերթիս նպատակն է արծաթել և լուսարանել հասարակական և ազգային շատ խնդիրներ և ընթերցանութեան թարմ նիւթ մատակարարել զխաւորապէս Ռուսաստանի հայ գաղութներին և այդպիսով հետաքրքրութիւն շարժել ներանց մէջ—դէպի հասարակական և ազգային կեանքը և մի ընդհանուր կապ հաստատել այդ անշատ գաղութների միջև։ «Նոր կեանքը» ունենալով աւելի տեղական բնաւորութիւն, ուշադրութեան առանձին առարկայ կը դարձնի Նախիջևանի և նրա շրջակայքի հասարակական կեանքը։ Աշխատակիցների թւում է և պ. Մինաս Բերբերեանը։ Լոյս տեսած համարներից կարելի է եղբակացնել որ շաբաթաթերթը տանում է բարեխղճօրէն ազգային—լիբերալ ոգով, պակասում է նրա հրապարակախօսութեան մի քիչ աշխոյժ, և կենդանի ջիղ։